

# Dienelkander



## Nuusbrief van die Gereformeerde Kerk Potchefstroom-Oos

5 Februarie 2017

**OGGENDDIENS:** Teologiese student  
Wouter Smit

Ons verwelkom vir finale jaar teologiese student, Wouter Smit, wat vandag 'n eksamen-erediens hier lei. Ons verwelkom ook die professore van die Teologiese Skool wat hom vergesel.

**Skriflesing:** Filippense 4: 1 - 9  
(83 vertaling)

**Teks:** Fil. 4: 4

**Tema:** Wees altyd bly want God is altyd teenwoordig!

### Ontmoetingsdiens

Intreelied Ps 100 -1: 1-4; Votum; Seën;  
Loflied Ps 33-1: 1 en 2; Geloofsbeloofing:  
Sing Sb12-2: 1 tot 5

### Verootmoedigingsdiens

Wetlesing uit Eks 20; Sing Ps 105 -1: 1 en 2;  
Gebed.

### Woorddiens

Skriflesing; Sing Ps 89-1: 1; Woordverkondiging;

### Antwoorddiens

Gebed; Liefdegawes; Sing Ps 71-1: 1; Seën;  
Amenlied Sb13-3.

**AANDDIENS:** Ds. Piet

**Skrifgedeelte:** Jakobus 1: 22 - 27 en  
Jakobus 2: 14 - 26

**Teks:** Jakobus 2: 22

**Belydenis:** Heidelbergse Kategismus: vraag en antwoord 86 en 91

**Tema:** Ware (saligmakende) geloof is die geloof wat deur liefde tot dade toe oorgaan.

Verander jou geloof in God regtig jou denke en jou dade? Dink aan diebeeld van 'n ystersmid wat yster in 'n warm vuur maak en dan daardie yster met 'n hamer slaan en dit vorm tot iets nuuts. Gebeur dit in jou lewe? Die vuur is die liefde van God, die hamer is jou geloof en die yster is jy en jou lewe wat verander en gevorm word tot iets nuuts.

Die teendeel hiervan is : jy glo in God, maar alles in jou en aan jou bly dieselfde. Jou lewe is soos 'n harde, koue stuk yster wat nie kan buig of gevorm word nie. Niks (of baie min) verander na hoe God dit wil hê.

Kom ons kyk vanaand na onself en wat die impak van ons geloof in God op ons lewe (dade) regtig is.

### Vooraf sang

Lied 464: 1, 3 en Sb 8-1: 1, 2

### Ontmoetingsdiens

Intreelied Ps 34-1: 1, 6 (mel: tweede mel);  
Seën ; Lofsang Sb 15-6: 1, 2 (mel: Ps 50 se eerste mel); Gebed

### Woorddiens

Skriflesing; Sing: Sb 3-5: 1, 2, 3, 4;  
Woordverkondiging

## **Antwoorddiens**

Gebed; Liefdegawes; Gebed vir BnB; Sing Ps 40-1: 3, 4; Seën: word bedien terwyl die gemeente Ps 20-2: 7 sing. (Mel Ps 134)

## **MEELEWING**

- Elsa Coetzee (Groep 4 - 084 5009 634) se oogoperasie het goed afgeloop en sy sterk tuis aan. Sy sal eers volgende week weer haar kosterpligte kan opneem aangesien sy nog hierdie komende week tuis moet aansterk.
- Corrie (Eva) du Plessis (Groep 37 - 072 909 0715) se skouervervanging operasie het suksesvol afgeloop en sy sterk tuis aan.
- Dawie van Zyl (Groep 38 - 082 774 7936) se handoperasie was suksesvol en hy is reeds tuis.
- Ed Coetsee (Groep 26 - 082 415 4961) se ondersoek het verkalking van die kleiner hartare aan die lig gebring wat met medikasie behandel word. Die pasaangeéer werk nog goed en oom Ed sterk tuis aan.
- Sion Steyn van ds Karel en Susan (Groep 42 - 072 476 8794) is die week in die Wilmed Hospitaal, Klerksdorp, opgeneem met 'n virale infeksie (Entero virus en RS virus) wat sy longe aantas en hoë koers veroorsaak. Hy word nog steeds in die hospitaal behandel.
- Ons deel met leedwese mee dat br Hansie Claasen Dinsdag oorlede is. Ons bid sr Mariëtte, Nina, Boeta en Louis die troos van die Here toe. Sy begrafnis is Dinsdag in Petrus Steyn op die familieplaas.
- Stefanie Bredenhann (Groep 12 - 082 257 1350) is die afgelope week in die hospitaal opgeneem met ystertekort waarvoor sy behandeling ondergaan het.

- Dries Schutte (Groep 27 - 082 339 5547) ondergaan eerskomende Woensdag 'n knievervanging operasie in MooiMed Hospitaal.
- Wilna Botha (Groep 4 - 079 947 7924 ) se moeder van 88 jr het geval en haar heup gebreek, sy moes dadelik 'n heupvervanging kry en is tans in ICU.

**Ons bid dat die Here spoedig beterskap, herstel en troos sal gee.**

## **ONS VRA VOORBIDDING VIR DIE VOLGENDE LIDMATE WAT SUKKEL MET SIEKTE OF SWAK GESONDHEID**

Srs Marianne Kruger, Bettie Ras, Janet vd Walt, Hester Buys, Anna Scholtz, brs. Isak vd Walt, Tjaart Snyman, Andy en Blossom Pretorius.

## **ONDERSTEUNING VIR SIEKES**

Vir ondersteuning of besoeke deur die hospitaalbesoeke-diensgroep, skakel hierdie week vir: [siekies@oosdoppers.co.za](mailto:siekies@oosdoppers.co.za) of Ernest de Vries (082 559 1570)

## **ONS VERWELKOM GRAAG VIR**

Hanno en Lizani van Schaik wat met attestaat vanaf Pretoria-Brooklyn by ons aansluit. Hanno is finale jaar teologiese student en Lisani doen haar diensjaar as dokter by die provinsiale hospitaal. Hulle woon in Etosha m/h 8, gr 33.

## **AFKONDIGINGS**

### **Vandag**

09:00 Gebedsgroep  
09:30 Oggenddiens  
Katkisasie: Les 3  
Kleuterbediening  
Tee en Koffie  
18:00 Aanddiens

## Dinsdag

06:00 Manne Ondersteuningsgroep aan huis  
van Koot vd Walt  
14:00 Milde Hande

## Woensdag

10:00 Amandelbloeiſels  
16:30 Katkisasie gr 10  
17:15 Katkisasie gr 11  
18:00 Katkisasie gr 9  
18:00 Sustersaamtrek-vergadering

## Donderdag - Saterdag

Kursus: Intergenerasie Bediening

## VERJAARSDAE

Baie geluk aan almal wat DV hierdie week verjaar!

### Maandag, 6 Februarie

Sr Nansi de Klerk (86)	072 199 6339
Jbr Jacques Labuschagne	071 892 5318

### Dinsdag, 7 Februarie

Br Eddie Coetsee (jnr)	072 567 8951
Br Willie Kruger (77)	018 290 5492

### Vrydag, 10 Februarie

Sr Lenandi Coetzee	076 255 2161
Jbr Divan Styger	

### Saterdag, 11 Februarie

Sr Paula Aucamp	082 555 3760
Br Dricus Nortjé	082 745 5382
Sr Anri Truter	082 579 4715
Sr Doreen Victor	082 491 9057
Jsr Maryke Victor	

## ANDER AFKONDIGINGS

- Liefdegawe vanoggend vir Barmhartigheid
- Gawe by die deure vanoggend vir die Dankbaarheidsfonds.
- Gawes volgende Sondag vir die GKSA: Sustentasie.
- Vrywillige bydrae vir voertuigsekuriteit in die bussies by die deure.
- Diensbeurte: Groep 17 en 18.

## AMANDELBLOEIſELS

Ons Amandelbloeiſels is 22 jaar oud! Kom ons vier 8 Februarie hierdie jeuglike gebeurtenis. Ons kom 10:00 by die Skuur bymekaar. Na opening vertrek ons na Paul en Marie du Plessis se plot waar ons 'n middagete gaan geniet!



Almal is baie welkom!

## DIAKONIE: KOSKAS

Ons wil u graag herinner dat ons koskas afhanglik is van skenkings van nie-bederfbare voedsel (blikkieskos, koffie, tee, pasta, rys, mieliemeel, konfyt, hawermout, langlewe-melk, ens.) om dit vir ons moontlik te maak om gesinne weekliks met kospakkies te help.

## EIENDOMME-DIENSGROEP

Ons benodig lidmate wat kan betrokke raak by die Eiendomme-diensgroep, indien jy bereid is om betrokke te raak, kontak asb Dirk Lubbe (082 771 9245).

## PROJEKTE

### GHOLFDAG - VRYDAG 17 FEBRUARIE

Oor 2 weke bied ons weer ons jaarlikse gholfdag aan!

Ons nooi lidmate om asb 4-balle of putjieborge in te skyf.



*Ons rig 'n uitnodiging aan lidmate wat vakansiehuise of deeltitels het om as 'n borg op te tree en jou verblyf vir 'n week/naweek te skenk.*

Baie dankie vir u ondersteuning.

Vir enige navrae, kontak gerus vir:

Walter Plotz 083 487 7497 of Ryan Bezuidenhout 082 464 6310

## KENNISGEWINGBORD

- KING'S SINGERS 10 Feb 2017

- BESTUURDER – RESIDENTIA WATERBERG - MODIMOLLE  
Kyk asb op die kennisgewing vir die volle beskrywing van die vereistes en uiteensetting van die mooi pos wat beskikbaar is.
- Vaktures by PKK Reddersburg:  
Uitvoerende hoof en hoof:  
Versorgingsdienste (egpaar)

## **WERKSWINKEL VIR PREDIKATE EN KERKLEIERS: 'N KERK WAAR KINDERS (EN VOLWASSENES) WELKOM IS.**

***"Children are as vital to the ongoing life of the covenant community as elders, pastors and deacons. Children do not grow into participation in the worship, service and life of the community, but partake of it and contribute to it from the first day of their lives."*** - John Calvin

Met hierdie aanhaling nooi ek vanaf die Teologiese Skool van die GKSA elkeen van julle uit na die bogenoemde werkswinkel. Kinders is ons toekoms en dit is belangrik om reeds van jongs af hulle met die regte benadering te hanteer. Hiermee meer inligting rakende hierdie werkswinkel:

**Datum:** 9-12 Februarie 2017

**Doel:** Om suiwer teologiese maniere te bespreek, te ontwerp en te oefen ten einde kinders saam met volwassenes in te sluit in alle aspekte van die kerkgemeenskap se aanbidding, diens en lewe.

**Wat om te verwag:** 'n Oop, praktiese werkswinkel waar deelname en kreatiwiteit aangemoedig word om nuwe maniere te vind tot 'n inklusiewe kerk. Die werkswinkel fokus op die funksies en rolle van gemeenteleiers (predikante, leraars en ouderlinge). Deelnemers verteenwoordig 'n verskeidenheid van kerktradisies.

**Hoofpunte van die werkswinkel:**

- Reflektereer oor kern-bybeltekste wat verwys na kinders, gesinne en gemeenskap;
- Reflektereer oor kerkwees en kerkdoen in die plaaslike gemeenskap ten opsigte van gasvryheid en toeganklikheid;
- Reflektereer oor resente navorsing en gevalstudies wat handel oor kind-inklusiewe, of intergeneratiewe kerkbediening;
- Kritiese evaluering van huidige gebruikte in die plaaslike kerk mbt kinders en volwassenes;
- Herontwerp sleutelaspekte van die kerkgemeenskap se aanbidding, diens en lewe in terme van die bogenoemde oordenking (reflektering);
- Inoefen van vaardighede van sommige van bogenoemde sleutelaspekte; en
- Formuleer strategie en planne om die plaaslike kerk te transformeer na 'n kerk waar kinders en volwassenes welkom is.

**Plek:** Gereformeerde Kerk Potchefstroom-Oos

**Fooi:** R150.00 per persoon (ete en verversings ingesluit)

**Registrasie:**

- By Adele Delport 018 290 7690
- Vir meer inligting kontak: Koot van der Walt 079 395 2789
- Aanbieder Ds Dirk Coetze van Petra Instituut vir Kinderbediening
- Webadres: [www.petra.co.za](http://www.petra.co.za)

U broeder in Christus

Prof Gert Breed

## **DIAKONALE SAKE**

Ons gee graag die volgende inligting deur aangaande ons diakens se dienswerk en die hulp wat hulle benodig. Kyk waar kan jy help.

1.Barmhartigheidsdiensgroep.

Ons kon Januarie 6 gesinne uit ons koskas met kospakkies voorsien. Die waarde van elke kospakkie was ongeveer R195.00. As

elke kleingroep op 'n vrywillige basis kollekte opneem elke keer as hul bymekaar kom, dan kan ons meer mense help en so ook ons kospakkies per maand vergroot.

Daar is 'n behoefte aan meer vrywillige dienswerkers by dié groep. As jy 'n hart/gawe het en bereid is om te help, sal ons baie dankbaar wees.

### 2. Kommunikasiegroep.

Ons kommunikasiegroep vra nog gewillige hande en flinke rekenaargeletterde lidmate wat bereid is om te help met die fotobord, Facebookblad en om 'n databasis op te stel. Wie is die "rekenaarboffens" wat sal kan help?

### 3. Vervoer van lidmate van Amelia.

Ons het 'n klompie lidmate in Amelia Sorgsentrum (Baillie Park) en die 3 dames wil graag gereeld erediens bywoon. Hulle kon dit in verlede doen danksy baie sagmoedige lidmate wat gehelp het. Dit is nou egter weer 'n ander lidmaat of twee se beurt om die takie oor te neem. Wie kan ons help om hulle Sondae-oggende na die erediens en terug te vervoer?

### 3. Terrein

Ons tuin is baie groot, en word ook mooi versorg. Ons vra egter hulp met toesig en die mooi maak daarvan. Wie het groen fingers? (Sien ook die versoek van die Eiendomme Diensgroep.)

Om ons medemens te kan dien is vir ons as diakonie 'n voorreg en om deel te wees van 'n gemeente soos Oos, is vir ons kosbaar.

Kontak die Diakoniebestuur of die 2 predikante indien jy betrokke wil raak by die hulp hierbo gevra.

## OOSDOPPERTJIE: ANTWOORDE

Die 9 bome was: Denne, Doring, Olyf, Palm, Populier, Seder, Tamarisk, Vye en Wilger. Saul het onder 'n Tamarisk gesit en beplan om Dawid dood te maak.

## SOSIALE MEDIA VIR ONS GEMEENTE

**Webblad:**

[www.oosdoppers.co.za](http://www.oosdoppers.co.za)



**Facebook:**

[www.facebook.com/oosdoppers](https://www.facebook.com/oosdoppers)

Ons wil ook graag 'n vriendelike versoek rig dat u nie op die gemeente se elektroniese sms-stelsel terug antwoord nie, maar asseblief die kerkkantoor bel of 'n e-pos stuur, aangesien dit 'n rekenaar-sms is.

Ds Karel se preke kan aanlyn besigtig word by

<http://karelsteyn.blogspot.co.za/>



Ds Piet stuur weekliks sy preke per e-pos uit. Laat weet hom indien jy dit wil ontvang.

## KONTAKBESONDERHEDE: PREDIKANTE & KANTOOR

Ds. Piet: 018 290 5635 / 082 779 1237

Ds. Karel: 018 294 3067 / 072 476 8794

Kerkkantoor: 018 290 7690



# ***SUSTERS IN DIE GELOOF***

*"DIE VREUGDE VAN 'n LEWENDE GELOOF"*

## **TEESKINKGELEENTHEID**



Tee word **vandag** onder die leiding van Ina Jordaan (Groep 17), Estelle v Hamburg (Groep 18) en Marian de Kock (Groep 20) bedien.

**Volgende week** skink Elize Schutte (groep 19), groep 21, Elsie Buijs (groep 22) en Magdaleen Venter (groep 45) tee. *Baie dankie julle!*

- *Baie dankie aan die groepsusters en hulle groepe se susters en broers wat met die skink en opwas help!*
- *Ons moedig susters en broers aan om met die skink en opwas te kom help – so leer ons mekaar en ons nuwe groepe beter ken!*

## **SUSTERSBYDRAE**



Die susters se fondse word uit elke suster se vrywillige bydrae (R150 per jaar) verkry asook die fondse wat tydens fondsinsameling geleenthede geïn word. Hierdie geld word gebruik om na minderbevoorregtes uit te reik en daar word jaarliks aan verskillende verdienstelike instansies, donasies gegee.

## **BLIKKIES-WARMHARTE**

Die doel van die blikkies (wat jy in die voorportaal van die kerk kan kry) is dat almal hulle lastige kleingeld in 'n blikkie sal goo en die vol blikkie dan in die voorportaal van die kerk sal neersit. Die geld word dan gebruik om blomme of iets toepaslik aan te koop vir iemand wat deur beproeing gaan. Baie dankie aan almal wat so getrou vir ons die vol blikkies bring.



## **SUSTERSAAMTREK - 4 MAART 2017**

Lieve susters, hierdie jaar bied ons gemeente die Saamtrek hier by ons aan. Skryf asb jou naam op die lys in die voorportaal van die Skuur indien jy ook graag die oggend saam met ons kan deel. Kostes beloop R100 p/persoon. Dankie vir almal wat reeds hul name opgeskryf het om te help met die geleentheid. Julle sal eersdaags genader word vir hulp met die voorbereidings.

### **BANKBESONDERHEDE VIR SUSTERS SE INBETALINGS**

Susters, let daarop dat die Susters 'n aparte bankrekening het vir al hul bydraes, nagmaaletes se inbetalings, ens. Die rekeningbesonderhede is:

Potchefstroom-Oos Susters, Capitec Bank, Tjekrekening: 145 652 5695, Takkode: 470 010

### **KWARTAALPROGRAM**

DATUM	DAG	TYD	WIE	WAT
14-Feb	Dinsdag	10:45	Blok B	Opening: Teologiese skool
<b>14-Feb</b>	<b>Dinsdag</b>	<b>19:00</b>	<b>Blok A</b>	<b>Sustersamekoms</b>
17-Feb	Vrydag	10:00	Almal	Gholfdag
26-Feb	Sondag	09:30	Almal	Belydenisaflegging
05 Mrt	Sondag	19:00	Blok D	Ouderlingverversings
04 Mrt	Saterdag	09:00	Alle susters en broeders wat kan help	<b>Sustersaamtrek: Gereformeerde Kerk Potchefstroom-Oos</b>
11 Mrt	Saterdag	16:00	Blok C	Nagmaalete

### **BAIE DANKIE AAN ONS BORG VAN DIE WEEK**



**Sanet Ras Prokureurs**

**OPSTEL VAN TESTAMENTE.  
BEREDDERING VAN BOEDELS.  
ALLE EIENDOMSTRANSAKSIES.**

Van Riebeeckstraat 101, Potchefstroom  
Tel: (018) 294-8953 k/u


# OOSDOPPERTJIES



Matt. 19:14: "Laat staan die kindertjies en moet hulle nie verhinder om na My toe te kom nie, want die koninkryk van die hemel is huis vir mense soos hulle."

## KONING DAWID SE REGERING

- Soek die 9 name van die bome waarvan ons in die Bybel lees.
- Onder watter van hierdie bome het Saul gesit en beplan om Dawid dood te maak?(1 Sam. 22) \_\_\_\_\_



C	Z	D	O	R	I	N	G	F	K
V	W	X	Z	Y	S	E	D	E	R
C	T	A	M	A	R	I	S	K	P
D	E	N	N	E	V	K	Z	K	A
R	C	K	O	L	Y	F	Z	V	L
X	W	I	L	G	E	R	W	X	M
G	X	P	O	P	U	L	I	E	R